



Broj: 01-01-34-2434-1/21 NL
Sarajevo, 01.12.2021.godine

02-12-2021

**Bosna i Hercegovina
Federacija Bosne i Hercegovine
Skupština Kantona Sarajevo
Predsjedavajući Skupštine Kantona Sarajevo
Ul. Reisa Džemaludina Čauševića 1
71 000 Sarajevo**

PREDMET: Odgovor na zastupničko pitanje, dostavlja se
(Veza Vaš akt broj: 01-04-40137-3/21 od 18.11.2021.godine)

Poštovani,

Vezano za zastupničko pitanje koje je na nastavku 44. radne sjednice, Skupštine Kantona Sarajevo, održanom 17.11.2021.godine, postavila zastupnica Admela Hodžić, a koje glasi „*Na koji način zastupnici u Skupštini Kantona Sarajevo mogu pomoći da Kanton preuzme obavezu mjesecnog plaćanja osiguranja u iznosu od 30,00 KM, koje mladi u toku obavezogn pripravničkog staža u trajanju od 6 ili 12 mjeseci uplaćuju iz sopstvenih sredstava.*“

Znamo koliko je ostalo ne utrošenih sredstava JU „Služba za zapošljavanje Kantona Sarajevo“ te je zbog toga i moje pitanje koje je zakonsko rješenje da Kanton preuzme obavezu uplate osiguranja od 30,00 KM za pripravnike u Kantonu Sarajevo i to donese kao mjeru pomoći mladima Kantona Sarajevo, ako znamo da nam sredstva ostaju ne utrošena i ne iskorištena.

Odgovor koji mi je JU „Služba za zapošljavanje Kantona Sarajevo“ Sarajevo, na email dostavila piše kako nije moguće da Služba preuzme plaćanje navedenog osiguranja.

Molim Vas da mi odgovorite šta ćete poduzeti kako bi se mladim pomoglo.“, u nastavku dajemo odgovor kako sljedi:

JU „Služba za zapošljavanje Kantona Sarajevo“ Sarajevo (u daljem tekstu: Služba) je proteklih godina kroz Program mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo realizovala niz programa zapošljavanja i samozapošljavanja, a koji su se isključivo odnosili za mlade osobe prijavljene na evidenciju nezaposlenih u Kantonu Sarajevo.

Jedan od takvih programa zapošljavanja je i Program sufinansiranja zapošljavanja pripravnika čime se sufinansira zapošljavanje nezaposlenih osoba bez radnog iskustva u struci na period od 6 ili 12 mjeseci kako bi stekli neophodno radno iskustvo i mogli samostalno raditi u struci, a samim tim bili i konkurentniji na tržištu rada u Kantonu Sarajevo.

Služba prihvata i podržava predmetnu inicijativu da se pomogne mladim nezaposlenim osobama na način da se Programom mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo, planira i realizacija programa sufinansiranja zapošljavanja pripravnika kod poslodavaca sa područja Kantona Sarajevo, te da se planira i realizuje poseban program zapošljavanja mladih nezaposlenih osoba medicinske struke, a koji nemaju radnog iskustva u struci.

Naime, prema saznanjima koja ima Služba, nezaposlene osobe koje volontiraju u zdravstvenim ustanovama u Kantonu Sarajevo u većini slučajeva, same uplaćuju sredstva za osiguranje u posebnim okolnostima dok volontiraju u pomenutim ustanovama.

Planiranjem i realizacijom navedenih programa zapošljavanja otvorila bi se mogućnost da zdravstvene ustanove apliciraju i zaposle mlade nezaposlene osobe koje bi na taj način odradile pripravnički staž i stekle neophodno radno iskustvo.

Napominjemo da će Služba navedene prijedloge programa zapošljavanja predložiti i Radnoj grupi za izradu Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo, a koja je sastavljena od predstavnika Ministarstva za rad, socijalnu politiku, raseljena lica i izbjeglice KS, Ministarstva privrede KS i Službe.

S poštovanjem,



Dostaviti:

- Naslovu
- Evidenciji
- a/a



Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Broj: 01-04-40137-3/21
Sarajevo, 18.11.2021. godine

- MINISTARSTVO ZA RĀD, SOCIJALNU POLITIKU,
RASELJENA LICA I IZBJEGLICE

ČJU "SLUŽBA ZA ZAPOŠLJAVANJE KANTONA SARAJEVO"
SARAJEVO

PREDMET: Zastupničko pitanje, dostavlja se -

Zastupnica Admela Hodžić na nastavku 44. Radne sjednice Skupštine Kantona Sarajevo, održanom dana 17.11.2021. godine, u okviru tačke Dnevнog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje koje se nalazi u prilogu.

Molimo vas da u skladu sa odredbama Poslovnika Skupštine Kantona Sarajevo („Službene novine Kantona Sarajevo“ - Drugi novi precišćeni tekst, broj: 41/12, 15/13, 47/13, 47/15, 48/16, 9/20 i 14/20) odgovore, u pisanim obliku, uputite predsedavajućem Skupštine Kantona Sarajevo kako bi isti dostavili zastupnicima u Skupštini.

CO:


- sekretar SKS
- sekretar Vlade Kantona

Pripremila: Jasmina Deliahmetović
Kontrolisala: Amela Smailagić-Čamđić *AS*

**PREDSEDJAVAĆI
SKUPŠTINE KANTONA SARAJEVO**

Eselidin Okerić

web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Kanton Sarajevo
Skupština Kantona Sarajevo
Samostalna zastupnica u Skupštini Kantona Sarajevo
Admela Hodžić

Sarajevo, 17.11.2021. godine

Kanton Sarajevo
Ministarstvo za rad, socijalnu politiku, raseljena lica i izbjeglice
JU "Služba za zapošljavanje Kantona Sarajevo" Sarajevo
n/r Direktora

PREDMET: Zastupničko pitanje

Na koji način zastupnici u Skupštini Kantona Sarajevo mogu pomoći da Kanton preuzme obavezu mjesecnog plaćanja osiguranja u iznosu od 30,00 KM, koje mladi u toku obaveznog pripravnika staža u trajanju od 6 ili 12 mjeseci uplaćuju iz sopstvenih sredstava.

Znamo koliko je ostalo neutrošenih sredstava JU "Služba za zapošljavanje Kantona Sarajevo" te je zbog toga i moje pitanje koje je zakonsko rješenje da Kanton preuzme obavezu uplate osiguranja od 30,00 KM za pripravnike u Kantonu Sarajevo i to donese kao jednu od mjera pomoći mladima Kantona Sarajevo, ako znamo da nam sredstva ostaju neutrošena i neiskorištena.

U odgovoru koji mi je JU "Služba za zapošljavanje Kantona Sarajevo" Sarajevo, na mail, dostavila piše kako nije moguće da Služba preuzme plaćanje navedenog osiguranja.

Molim Vas da mi odgovorite šta ćete poduzeti kako bi se mladim pomoglo.

Admela Hodžić